

Öise Lade 12-2016, p. 70

In salid *rumantsch*

In bloc ed in rispli per notar ils resultats, insaquants dats u in pèr chartas da giu e las lungas sairas d'enviern passan sco il vent. Tar nus a chasa chatt'ins adina in giu u l'auter sin curuna. Cunzunt l'enviern, cura che la pigna è stgaudada, il te fima anc e soccas grossas da launa stgandan ils pes, giud jau da passentar uschia il temp cun mia famiglia u cun collegas.

Avais Vus er in giu preferì? In da mes gieus preferids èn las troccas. Betg mo perquai ch'il giu sez ma plascha, mabain pervia da las regur-



In giu per tut
las generaziuns

dientschas ch'el sveglia. Da mat-tatschas passentavan mia sora ed jau las sondas adina tar noss tat e nossa tatta. Da la tatta n'avain nus betg mo emprendì da far chaltschiel, mabain era da dar troccas. Uras a la lunga avain nus giugà in scart suenter l'auter, magari fatg la gudagnada, magari ina detga terrada e suenter il giu spert puspè emblidà la rivalità.

Cunquai che nus na pudevan betg metter or da maun las chartas, han er il bab e la mamma stuì – e vulì – imprendder da dar troccas per che nus sajan adina las quatter persunas ch'i dovra per pudair dar in scart. L'ultim temp n'avain nus betg pli uschè savens dà troccas, i fissura e temp da las puspè ina giada prender giu da curuna. Quai na capita mai senza pensar al tat ed a la tatta. Savais Vus era gia tge che Vus giugais la proxima giada?

Marina Wyss

Marina Wyss